



PREZIDÉNSIA KONSELLU MINISTRUS

V GOVERNUN KONSTITUSIONÁL

DÍLI, LORON 16 FULAN JULLU TINAN 2013

KOMUNIKADU IMPRENSA

Sorumutu Konsellu Ministru nian iha loron 16 fulan Jullu tinan 2013

Governu hala'o sorumutu iha tersa-feira ne'e, iha loron 16 fulan Jullu tinan 2013, iha sala sorumutu Konsellu Ministru nian, iha Palásiu Governu Díli no aprova ona:

1. Rezolusaun Governu kona-ba Polítika Edukasaun Pré-Eskolár nian

Tuir objetivu ne'ebé trasa ona iha Planu Estratéjiku Dezenvolvimentu nian, Ministériu Edukasaun hetan ona aprovasaun ba Rezolusaun Governu nian kona-ba Polítika Edukasaun Pré-Eskolár ne'ebé mak fó biban ba labarik sira hotu, husi tinan 3 no tinan 5, atu hetan asesu ba programa pré-eskolár ida ne'eb'e ho kualidade, besik iha sira nia uma.

Programa sira edukasaun pré-eskolár nian inklui aspetu hotu-hotu husi dezenvolvimentu infantil nian (sósio-emosionál, linguístiku, kognitivu (kapasidade atu hetan koñesimentu) no fiziku nian sira) nesésáriu ba labarik sira ne'ebé atu tama ba 1^u siklu bele aprende didi'ak no kle'an liu.

Ministériu Edukasaun fiksa ona área estratéjika haat ne'ebé mak importante liu: hadi'a liután formasaun no dezenvolvimentu profesionál iha servisu profesionál sira edukasaun pré-eskolár nian; atu apoia dezenvolvimentu kurrikulár; dezenvolvimentu hamutuk ho família no comunidade no dezenvolvimentu ba sistema monitorizasaun no avaliasaun nian ida.

Konsellu Ministru mós analiza ona:

1. Projetu Dekretu-Lei ne'ebé estabese Estrutura Pré-deskonsentrasaun Administrativa

Ministériu Administrasaun Estatál apresenta, Projetu Dekretu-Lei ida ne'e, ne'ebé analiza ona husi Konsellu Ministrus, atu regula kriaun, kompeténsia no funsionamentu estrutura sira pré-



Palácio do Governo,
Avenida Presidente Nicolau Lobato,
Dili, Timor-Leste

nddigovtl.09@gmail.com
(+670) 22 210 608

deskonsentrasaun administrativa nian ne'ebé tenke kria iha distritu administrativu idak-idak ba distritu administrativu sanulu-resin tolu ne'e hotu, iha teritóriu nasionál.

2. Dekretu-Lei ne'ebé aprova Estatutu Militar F-FDTL nian

Sekretaria Estadu Defeza apresenta ona ba Governu projetu Dekretu-Lei Estatutu Militar F-FDTL sira nian. Diploma ida ne'e ninia objetivu atu estrutura no disciplina karreira militar nian no mai hosi Lei Servisu Militar nian, Lei Orgánika F-FDTL no Lei Orgánika Defeza Nasionál nian sira.

3. Dekretu-Lei kona-ba Unidade Informasaun Finanseira nian

Konsellu Ministru rona apresentasaun ida kona-ba natureza no finalidade Unidade Informasaun Finanseira nian ida (UIF). UIF mak responsável ba halibur, analiza no fahe informasaun ne'ebé relaciona ho relatóriu tranzasaun bankária ne'ebé diskonfia no informasaun seluk kona-ba krime brankeamentu kapitál no finansiamentu terrorizmu nian sira. Kompete mós ba UIF hodi fó sai rezultadu análise ne'e nian ba autoridade polisiál no judisiál sira.

